

增補 庶物類纂

羽屬 自四至五

容

太政官文庫		和書門
特別	三二	類
三六二	號	
第五十四番函	架	
四六五	册	

內閣文庫	
番號	和 32362
冊數	465(451)
函號	特 54 1

廿九

廿七

0 1 2 3 4 5 6 7 8 9 cm

A 1 2 3 4 5 6 M 8 9 10 11 12 13 14 15 B 17 18 19


Kodak Gray Scale

G Y M

© Kodak, 2007 TM: Kodak







增補庶物類纂羽屬卷之四目次

鷓鴣

百舌

庶物類纂

羽屬目次

鷓鴣

- 一名懷南禽經 一名越雉唐本草 一名逐影本草綱目
- 一名隨陽鳥同上 一名鳩音述北 一名克鳥同上
- 一名內史采蘭志 一名花鷹同上 一名花身蛺蝶
- 錄清賞 一名春駒同上 一名慎惱澤家事物異名 一名
- 鈎鞞格磔同上 一名逐隱天中記 一名南客廣東新語
- 一名鈎鞞杭州府志

鷓鴣

鷓鴣味甘温無毒主嶺南野葛菌毒生金毒及温瘴久欲死不可差者合毛熬酒漬服之生擣取汁服最良生江南形似母鷄鳴云鈞輶格磔者是有鳥相似不為此鳴者則非也臣禹錫等謹按孟詵云鷓鴣能補五臟益心力聰明此鳥出南方不可與竹笋同食令人小腹脹自死者不可食一言此鳥天地之神每月取一隻享至尊所以自死者不可食也日華子云微毒療盡氣瘴疾欲死者酒服之

嘉祐補
註本草

鷓鴣出江南今江西閩廣蜀夔州郡皆有之形似母雞臆前有白圓點背間有紫色毛彼人亦呼為越雉又謂之隨陽之鳥南越志云鷓鴣雖東西徊翔然開翅之始必先南翥崔豹古今注云其名自呼此不然也其鳴若云鈞鞞格磔者是矣亦有一種鳥酷相類但不作此鳴不可食之彼土人食鷓鴣云主野葛生金蛇菌等毒不可與竹笋同食自死者亦禁食之其脂膏手可以已瘡疥令不龜裂

宋蘇頌圖經本草

按禽經云隨陽越雉也飛必南翥晉安曰懷南江左

曰逐影張華注曰鷓鴣其名自呼飛必南向雖東西回翔開翅之始必先南翥其志懷南不徂北也

明李時珍本草綱目

機謹按一本逐影作逐隱

鷓鴣性畏霜露早晚稀出夜栖以木葉蔽身多對啼今俗謂其鳴曰行不得哥也其性好潔獵人因以糲竿粘之或用媒誘取南人專以炙食充庖云肉白而脆味勝鷄雉

同上

按南唐書云丞相馮延巳苦腦痛不已大醫吳廷詔

曰公多食山雞鵠其毒發也投以耳草湯而愈此物多食鳥頭半夏苗故以此解其毒爾又類說云楊玄之通判廣州歸楚州因多食鵠鵠遂病咽喉間生瘰癧潰而膿血不止寢食俱廢醫者束手適揚吉老郡邀診之曰但先啖生薑一斤乃可投藥初食覺耳香至半斤覺稍寬盡一斤覺辛辣粥食入口了无滯礙此鳥好啖半夏毒發耳故以薑制之也觀此二說則鵠鵠多食亦有微毒矣而其功用又能解毒解蠱功過不相掩也凡鳥獸自死者皆有毒不可食為其受

厲氣也何獨鵠鵠即神取饗帝乎鄙哉其言也同上

衡州南多鵠鵠解嶺南野葛諸菌毒及辟温瘴前臆

文為白圓點又一名鵠音述多對啼每啼連轉數音其

韻甚高廣志言遮姑鳴云但南不北如逃聞聲云古

今注云其鳴自呼常向日飛畏霜早晚稀出南越志

云鵠鵠克鳥也雖復東西迴翔然而命翮之始必南

翥其鳴自號杜薄州食之亡癘此三說啼處豈同於

牛屋辯哉唯本草說鳴云鈞軒格磔竹客小類斑鳩

唐段公路北戶錄

崔鴻蜀錄曰蜀連有災大雨血地仍震地生毛鷓鴣集城下

異物志曰鷓鴣其形似雌雞其志懷南不思北其名呼飛但南不北其肉肥美宜炙可以飲酒為諸膳也

機謹按天中記作懷南不北但也其鳴但不北

錄異曰鷓鴣臆前有白圓點背上間紫赤毛其大如小荳雞多對啼

南越志曰鷓鴣雖東西迴翔然開翅之始先南翥其鳴自呼杜簿州本草云自鈞輶格磔李群玉山行聞

鷓鴣詩云方穿詰曲崎嶇路又聽鈞輶格磔聲大平御覽

機謹按疑自鈞之間當有呼字

曠志鷓鴣似雌雉飛但南不向北楊孚交州異物志

云鳥像雌雉名鷓鴣其志懷南不思北但大平廣記

嶺南錄異鷓鴣吳楚之野悉有嶺南偏多此鳥肉白而脆遠勝雞雉能解治葛并菌毒臆前有白圓點背

上間紫赤毛其大如野雞多對啼南越志云鷓鴣雖東西迴翔然開翅之始必先南翥其鳴自呼杜簿州

又本草云自呼鈞輶格磔李羣玉山行聞鷓鴣詩云

方穿詰曲崎嶇路又聽鈎鞞格磔聲上同

南方有鳥曰鷓鴣其名自呼常向日而飛畏霜露早

晚稀出有時夜飛飛則出以樹葉覆背上宋馬縞中華古今注

鷓鴣自呼其名常向日而飛飛數隨月蓋若正月一

飛而止畏霜露早晚稀出有時夜飛飛則以木葉自

覆其背古牋云偃鼠飲河止於滿腹鷓鴣銜葉才能

覆身此之謂也臆前有白圓點文多對啼志常南嚮

也鷓鴣信鳥也宋牛衷埤雅廣要

鷓鴣其形似母雞常向日而飛則以樹葉覆其背上

畏霜故也其飛數逐月如正月一飛則止於巢中不

復起矣十二月則十二起最難採南人設網取之南

越志云鷓鴣雖東西回翔然開翅之始必先南翥亦

胡馬北嘶之義也明羅尚之雅餘

格物論鷓鴣臆前有白點背上間紫赤毛其飛也皆

東西回翔多對啼自呼鈎鞞格磔竹雞比之差小毛

羽褐多斑赤文彩色明鄒善長彙苑詳註

鷓鴣常白日而飛畏霜夜飛則以樹葉覆其背上出

今註鷓鴣似雌雉飛但南不向北楊孚交州異物志

云鳥像雌雉名鷓鴣其志懷南不思北徂鷓鴣飛數
逐月如正月一飛而止于窠中不復起矣十二月十
二起最難採南人設網取之明慎懋官華夷花木鳥獸珍玩考

機謹按格致叢書中之古今註鷓鴣下有出南方
鳴空自呼之七字白作向

鷓鴣一名內史一名花豸蛺蝶一名春駒明包彥平清賞錄

鷓鴣大如竹雞差長頭如鶉身文亦然惟臆前白點

正圓如珠人采食明陸思豫古今說海

鷓鴣南禽飛常向南雖欲北去開翅必南越雉 雞頭鶻 泥滑滑

聲如此懊惱澤家聲如此鈎舟格磔聲如此
因名之因名之因名之因名之因名之
○明余國用事物異名

機謹按雞頭鶻泥滑滑竹雞之一名也非鷓鴣之
別名也

越雉鷓鴣也晉安曰懷南江左曰逐隱禽經

鷓鴣飛逐月數如正月一日飛而止但伏巢求不復

越矣十二月十二日起最難採南人設網取之雜俎

陳耀文天中記

鷓鴣自呼其名常向日而飛飛數隨月若正月一飛

而止畏霜露早晚稀出有時夜飛飛則以木葉自覆其背臆前有白圓點文多對啼志常南嚮不思北徂

本草曰形似母雞鳴云鈞輒格磔嶺表錄異云肉白而脆味勝雞雉

明王思義三才圖會

采蘭雜誌曰鷓鴣一名內史一名花鴈

酉陽雜俎曰鷓鴣向日飛

又曰鷓鴣飛逐月數如正月一日飛而止但伏巢中不復起矣十二月十二日起最難採南人設網取之

南越志曰鷓鴣鳥其鳴自呼杜薄州

異物志曰鷓鴣云但南不北

羅浮志曰遇暖則相對而啼謂之山鵠

北戶錄曰衡州南靈鷓鴣解嶺南野葛諸困毒及避

瘟瘴

機謹按天中記瘴字之下有又一名鵠多對啼之

七字

本草曰鷓鴣天地之神每月取一隻饗至尊自死者不可食

夢溪筆談曰嘗有久善調山鷓鴣使之鬪莫可與敵

人有得其術者每食則以山鷓皮裏肉哺之久之望見其鷓則欲搏而食之此以所養移其性也

唐鄭谷字守愚以鷓鷯詩得名時號為鄭鷓鷯

零陵李宗古居士唯一妻一女垂老病足養鷓鷯鷓鷯

鷓以樂餘年淵鑑類函

報晴山谷詩山雞之弟竹雞兄乍入雕籠便不啼曉

杜詩山鷓鷯爾本他鄉鳥不辭鈞翰格磔多對啼自呼鈞翰格

行不得哥哥鷓鷯啼聲○清陳簡候留青采珍集

鷓鷯雖復東西迴翔命翻之始必先南翥又飛逐月

數如正月一飛而止但伏巢中不復起矣十二月十

二起清來元成博學彙書

鷓鷯隨陽越雉也天寒則口吟煖則對啼啼必連轉

數音而多云徂南不北其飛必向日日在南故常向

南復雖東西迴翔而命翻之始必先南翥其志懷南

故謂之南客飛數必隨月正月一飛而止十二月則

十二飛而止山中人輒以其飛而計月人間何月矣

則云鷓鷯幾飛矣早暮有霜露則不飛飛必啣木葉

以自蔽霜露微霑其背聲為之啞故性絕畏霜露一

鷓鴣

自呼其名雜史鷓鴣胡帝是行不得也哥哥陽春縣志

鷓鴣形如母雞其音曰行不得哥哥亦名越雉亦名

隨陽鳥孟洗曰此鳥乃天地之神南越志謂鷓鴣雖

東西回翔然開翅必先南翥古詩云越鳥栖南枝宿

不同丘飛入其林者必擊鬪至死故浦諺曰鷓鴣佔

山頭漳浦縣志

鷓鴣禽經隨陽越雉也飛必南翥雌雄形不相遠皆

知母雞頭如鵝胸前有白圓點如珍珠背有紫赤文

張華注鷓鴣其名自呼本草云其呼鈞鞞磔格雜史

有行不得也哥哥之呼甚誕相傳服藥勿食鷓鴣可

解藥力亦可解毒高要縣志

鷓鴣多對啼自呼開翅必向南畏霜露早晚希出有

時夜飛則以木葉自覆其背解野葛諸菌毒江西新城縣志

一名越雉又名隨陽鳥南越志鷓鴣雖東西回翔然

開翅之始必先南翥亦胡馬嘶北之義孟洗曰此鳥

迺天地之神每月取一隻饗至尊自死者不可食也

閩書

形似母雞臆前有白圓點背間有紫色毛其鳴若鞞

輒格磔開翅之始必先南翥三山志

古今註曰鷓鴣怕寒霜夜以背北戶錄曰臆文為白

圓點南越志謂鷓鴣雖東西迴翔然命翅必先南翥

亦胡馬嘶北之義漳州府志

鷓鴣形如母雞頭如鷓臆前有白圓點如珍珠背毛

有紫色浪文鳴云鈎輒格磔能補五臟益心力慕德

里有之番禺縣志

鷓鴣畏霜隱其樹稀出有時低飛飛則以木葉自覆

其背廣信府志

鷓鴣形似牝雞臆前有白圓點背間有紫赤毛鳴云

鈎輒格磔飛必先南翥八閩通志

鈎輒即鷓鴣飛皆東西自呼鈎輒格磔故因名之林

逋詩所為林木叫鈎輒即此杭州府志

藏叢薄中似雞而小啼聲悲切行人聽之黯然貴州通志

鷓鴣其身有文黑白相間其飛不遠聲鳴重大泉州府志

鷓鴣一名越雉又名隨陽鳥古今註鷓鴣怕寒露夜

以草覆背南越志鷓鴣雖東西迴翔然開翅之始必

先南翥亦胡馬嘶北之義孟洗曰此鳥迺天地之神

每月取一隻饗至尊自死者不可食汀州府志

鷓鴣崔豹古今註云鷓鴣怕寒霜夜以草覆背飛必

先向南本草云呼鉤輒格磔李嶠詩可憐鷓鴣飛飛

向樹南枝南枝日照煖北枝霜露濕封川縣志

鷓鴣形如母雉而小微有彩色在萬山叢中啼云行

不得也哥哥畜之久熟手中取食最馴擇可愛潮州府志

山鷓長尾而碧色嘴與足皆紅太平縣志

百舌

一名反舌本草綱目一名鷓鴣音轄軋同上一名翠碧

鳥餘雅一名饒舌即異名一名望春易緯通卦一名

喚起同上一名喚春同上一名鷓秘傳花鏡一名題鳩

同上

俗名忽鹵紫忽迷

百舌鳥

百舌

百舌鳥主蟲咬炙食之亦主小兒久不語又取其窠
及糞塗蟲咬處今之鶯一名反舌也

宋唐慎微
證類本草

機謹按以百舌與鶯為一者誤也

及舌春始鳴至五月止能及其舌反易其聲以效百
鳥之鳴故名反舌又名百舌淮南子曰人多言者
猶百舌之聲人有少言者猶不脂之戶謂多言而不
得其要徒為譊譊耳不脂之戶則以難於啓閉故也
及舌所以五月無聲者陽氣極於上陰氣極於下百

燕 雀 鵲 鳩 燕 雀 鵲 鳩 燕 雀 鵲 鳩

舌無陰故無聲其有聲則為異周書時訓曰芒種之日螳螂生又五日鵙始鳴又五日及舌無聲及舌有聲倂人在側春秋保乾曰江充之害其萌及舌鳥入殿此其驗也以月言之則如此以歲言之則少陰少陽司天子午寅申之歲羽蟲則靜說者以為諸黑色有羽翼者胡越燕百舌鳥之類及舌今人多畜養者而風土記以祝鳩為及舌則非其類又蔡邕謂及舌蠢也今謂之蝦蟇其舌本前著口側而末向內故謂之及舌引通封驗博勞鳴蝦蟇無聲為證然蝦蟇五

月中得水適當聒人耳何及無聲或蝦蟇舌性自然不必為及舌也故鄭氏不取宋羅願爾雅翼百舌即及舌春鳴五月止能變舌及易其聲以效百鳥之鳴風土記以為祝鳩非也毛采翠碧蜀人多畜之一云翠碧鳥往往亦矜鬪至死不解或云凡數十種非東方所謂及舌無聲者明羅尚之雅餘左傳曰郊子曰少皞鳥師而鳥名祝鳩氏師徒也杜預註曰暖鳩故為司徒主教民也春秋深乾圖曰江充之害其萌交及舌鳥入殿朱均註曰

燕 雀 鵲 鳩 燕 雀 鵲 鳩 燕 雀 鵲 鳩 羽屬 百舌 三



及舌百
舌鳥也

糜信難曰按緯書及舌蝦蟇也昔於長安與諸生共
至城北水取蝦蟇剥視之其舌及成向北則劉君得
過半喬夙荅曰蝦蟇五月中始得水當聒人耳何云
無聲是知蝦蟇非及舌鳥也

易通卦驗曰及舌鳥也能及覆其舌隨百鳥之音

周書曰芒種之日又五日及舌無聲及舌有聲候人

在側機謹按候
當作倭

孔子明鏡曰國臣謀及有百舌鳥入宮

淮南子曰多言猶百舌之聲也

郭音百舌鳥詩曰舌舌鳴高樹弄音無常則借問聲

何煩末俗不尚嘿以上太
平御覽

百舌春轉夏至唯食蚯蚓正月後凍開蚓出而來十

月後蚓藏而往蓋物之相感也大平
廣記

按易通云能及復如百鳥之音故名鷓鴣亦象聲今

俗呼為牛屎喇哥為其形似鷓鴣而氣臭也梵書名

舍羅明李時珍
本草綱目

百舌處處有之居樹孔窟穴中狀如鷓鴣而小身畧

已是朱明景莫弄東風巧舌頭

明倪維浚群談採餘

月令仲夏之月及舌無聲

五月陽氣極于上微陰起于下百舌無陰故無聲也

蕭子暉及舌賦爾其聲也

喉音 結鬱柳縈咽繁

音瑣碎衆響攢截

攢截

或急轉赴機或緩引趨節或洪

織共起或長短俱折意疑斷而復續謂當舉而忽垂

聲憑林而逾厲響因風而益危

明陳仁錫潛確類書

百舌及舌

言及覆其舌也

饒舌即

明余國用事物異名

風土記曰祝鳩及舌也

禮記曰仲夏之月及舌無聲

五月陽氣極於上微陰起于下百舌無陰故無聲

易緯通卦曰百舌者及舌鳥也能及覆其口隨百鳥

之音及舌蒼毛尖嘴形小於鸚鵡二三月鳴至五

月無聲亦候鳥也一名望春一名喚起江南人謂之

喚春聲圓轉如絡絲

朝野僉載山谷云予讀月令及舌無聲佞人在側乃

解杜詩過時如發口君側有讒人之句

蔡中郎以及舌為蝦蟇淮

南子以蚤為蟻蠊詩義以蚤為蟻蛄高誘以乾雀為蟋蟀文人之謬誤如此

多言者猶百舌之聲也

左傳郊子云少皞祝鳩氏司徒

春秋保乾江充之害其萌及舌鳥入殿

以上淵鑑類函

百舌曰及舌謂能及復其舌如百鳥之音也

清陳簡候留青

采珍集

百舌一名鷓一名題鳩又名及舌隨在有之居樹孔及窟穴中狀如鳩鷓而小身稍長羽色灰黑微有幾斑點喙亦黑而尖行則頭俯好食蚯蚓立春後則鳴之不已其聲多十二轉且能作諸鳥之音最悅人耳此際衆芳生夏至後則寂然無聲而衆芳歇至十月後亦如龜蛇皆藏蟄不見人或取而畜之過冬多死

必須善養者以護持之

清陳誤子秘傳花鏡

百舌一名望春汲冢周書云芒種之節及舌無聲反

舌有聲倭人在側韓詩云喚起窗前曙催歸日未西

金壇縣志

機謹按一本側字上有君字

百舌一名反舌易卦通驗能反覆其舌如百鳥之音

立春始鳴月令仲夏反舌無聲通身黑俗呼烏靈

高要

縣志

百舌能反覆其口隨百鳥之音名反舌鳥春轉夏止

庶物類考卷四

故禮記仲夏之月反舌無聲漳浦縣志

信鳥似鵲而小能為百禽聲忽鳴而過庭簷間其舌

為有喜閩書

信鳥者使鳥也客至則飛鳴為信又進鳥或曰反舌

也百舌也同上

易緯曰百舌者反舌鳥也能反覆其口隨百鳥之音

朝野雜記曰春轉夏止故禮記仲夏之月反舌無聲

漳州府志

謹按一本口作舌

百舌似鸚鵡而身差長無憤月令謂之百舌朝野雜

記云春轉夏止張芸叟詩云學盡百禽語終無自已

聲八閩通志

百舌風土記以為祝鳩蒼毛尖嘴形似鸚鵡但鸚鵡

有憤而百舌無憤耳以能反覆其舌隨百鳥之音故

又名反舌二三月間鳴至鷓鴣則無聲仁和縣志

百舌能及復如百鳥音故名居樹窟行則頭俯夏至

後無聲十月藏蟄六合縣志

反舌俗呼為百舌一名望春一名喚起汲冢周書云

庶物類考卷四 羽屬 百舌 八

庶物類彙編卷四

芒種之節及舌無聲及舌有聲俟人在側韓詩云喚

起窻前曙催歸日未西丹徒縣志

百舌即及舌俗呼春鳥嘉興府志

百舌即及舌狀如仍鳴鶴而小行則頭俯好食蚯蚓

立春後鳴夏至後無聲十月後藏蟄人或畜之過冬

至亦死安慶府志

百舌似鳴鶴而身差長毛蒼嘴尖一名及舌謂能及

覆其舌以效百鳥之聲也泉州府志

百舌一名及舌易通卦驗能及覆如百鳥之音故名

梅聖俞詩蒼毛無文章矢嘴只騰說杜子英詩百舌

來何處重重祇報春知音兼哀語整翮豈身封川縣志

百舌狀如鳴鶴而小立春後鳴夏至後無聲冬則蟄

懷寧縣志

百舌即鷓鴣劉禹錫有吟義烏縣志

鷓許八切音轄鷓鴣狀似鳴鶴而小灰黑色微有斑

點喙尖黑行則頭俯好啖蚯蚓通雅曰鷓鴣及舌也

月今仲夏小暑至及舌無聲先為百舌芒種後五日

則無聲五月後毛盡脫十月後則藏蟄本草綱目引

庶物類彙編卷四 羽屬 百舌 九

易通云能及復為百鳥之聲故名鷓鴣鳥俗呼牛矢喇
哥先無聲者及舌也後無聲者伯勞也又蔡邕以及
舌為蝦蟇服虔以為白脰鳥陳藏器以為黃鶯於非

清廖綸璣
正字通

機謹按和名鈔以鷓鴣伯勞百舌鳥為一物而訓麼
思者非也鷓鴣伯勞之一名而百舌非一物伯勞者
麼思也百舌鳥者俗名忽爾紫忽迷也
尚白曰百舌俗名忽爾紫忽迷又名十拿壹有青
赤之數種一種有十罵母忽者形狀相似稍小而

頭白有紫斑點其羽毛有惡臭蓋時珍所謂氣臭
者疑因形狀相似而混註之歟和名鈔以鷓鴣字訓
紫忽迷考字書鷓鴣俗字誤也

或云鷓鴣鷓鴣鳥也百舌似鷓鴣而有及舌之惡名
故卑之而呼牛矢喇哥歟

機曰太平府志曰八哥鐵足者為牛矢八哥以好
立牛背上也未知其然否

庶物類纂卷之五

增補庶物類纂羽屬卷之五目次

伯勞

念佛鳥

烏鳳

突厥雀

庶物類纂卷之五

羽屬目次

魚
分
類
卷
五

伯勞

一名鷓爾 一名鳩大戴 一名鷓本草 一名伯
趙上同 一名苦鳥上同 一名博勞孟

俗名麼天思

魚
物
類
卷
五

羽屬 伯勞

伯勞

題鳩鳴而草衰爾雅謂之鵙鵙伯勞也狀類鷓鴣而

大謂之伯趙方言曰孤雞鳴則草衰晉張華禽經註

機謹按一本大之字下有左傳之二字

禮記曰仲夏之月鷓始鳴鄭玄鵙伯勞蔡邕章句鵙

伯勞伯勞趙應時而鳴為陰候也

機謹按一無蔡邕之二字

左傳曰郊子曰少皞時伯趙氏司至者也杜預注曰

也夏至鳴冬至止

詩曰七月鳴鵙鄭玄注曰伯勞鳴將寒之候五月鳴
函地晚寒鳥物之候從其氣鳴

爾雅曰鵙伯勞也郭璞注曰似頭鵙而大

大戴禮曰小正月五月鵙鳴鵙者百鷦也鳴者相命也

機

謹按一本曰字之下有夏字正字之下無月字

廣雅曰伯趙鵙也

易通卦驗曰夏至小暑百勞鳴

孟子南蠻鵙台博勞也

淮南萬畢術曰伯勞使蛇蟬乃天使然也

又曰伯勞守金人不取收伯勞血以塗金人不敢取也

東方朔別傳曰與弟子偕行渴令弟子扣道邊家求

飲不知姓名主人開門不與須臾見伯勞飛遂集主

人門中李樹上朔謂弟子曰此主人姓李名伯勞爾

但呼李伯勞果有李伯應之即入取飲

陳思王植貪惡鳥論曰國人有以伯勞鳥獻諸廷者

侍臣謂曰世同惡伯勞之鳴何謂也王曰月令仲夏

鳴始鳴詩云七月鳴鵙夏五月鷦則鳴博勞也昔尹

吉甫信后妻之讒而殺孝子伯奇其弟伯封求而不得作黍離之詩俗傳云吉甫後悟追傷伯奇出遊干田見異鳥鳴於渠其聲噉然吉甫心動曰無乃伯奇乎鳥乃折翼其聲尤切吉甫曰果吾子也乃顧曰伯奇勞乎是吾子栖吾輿非吾子飛勿居言未卒鳥尋而栖其蓋歸入門集井幹之上向室而號吉甫命後妻載弩射之遂射殺後妻以謝之故俗惡伯勞鳴言所鳴之家必有尸也好事附名為之說令俗人惡之其寔否也伯勞以五月鳴應陰氣之動陽為仁義陰

為賤賊伯勞蓋賊害之鳥也屈原曰鶖馱之先鳴使百草為之不芳其聲鴟故以音名也

晉書曰慕容垂之起于關東歲在癸未符堅之分氏戶于諸鎮也趙整因侍援琴而歌曰阿得脂博勞鼠父其仇緩尾長翼短不能飛遠徒種人留鮮早一旦緩急語阿誰堅笑而不納至是整言驗矣

周書時訓曰芒種之日螳螂生又五日鴟始鳴鴟不鳴令壅遏兵書曰軍卒見伯勞鳴軍前後賊來圍吾軍伯勞鳴軍中分散有所配屬

京房易傳曰伯勞聚邑中歲天伯勞鳴軍中師分而水且至鳴于君之君

夢書曰伯勞鳥夏口話聲可惡也憂口話也以上大平御覽

百勞平有毒毛主小兒繼病繼病母有娠乳兒兒有病如瘧痢他日亦相繼腹大或差或發他人相近亦

能相繼北人未識此病懷妊者取毛帶之又取其躡

枝鞭小兒令速語鄭禮注云鴟博勞也新補○嘉祐補注本草

伯勞象其聲也伯趙其色皂也趙乃皂訛

伯勞即鷓也夏鳴冬止乃月令候時之鳥本草不著

形狀而后人無識之者郭璞註爾雅云鴟似鷓鷃而

大服虔云鷓鷃音轄軋白項鴉也張華註禽經云伯

勞形似鷓鷃鴉喙黃伯勞喙黑許慎說文云鷓鷃

似鷓而有憤顏師古註漢書謂鷓為鷓鷃陳正敏遜齊

詞謂鷓為巧婦楊雄方言謂鷓為鷓鷃陳正敏遜齊

間覽謂鷓為梟李肇國史補謂鷓為布穀楊慎丹鉛

錄謂鷓為鴛鴦九說各異竊謂鷓既可以候時必非

希見之鳥今通攷其得失王說已謬不必致辯據郭

說則似今苦鳥據張許二說則似今之百舌似鷓鷃

而有嘖者然鴟好單栖鳴則蛇結而百舌不能制蛇
為不同也據顏說則子規名鷦鷯音弟桂伯勞名鷦
音决且月令起于北方子規非北鳥也據揚說鷦鷯
乃寒號虫惟晉地有之據陳說則謂其目擊斷然以
為梟矣而不具其形似與陳藏器鷦鷯即梟之說不合
而爾雅鷦鷯一名鷦鷯與此不同據李說則布穀一
名鷦鷯字音相近又與月令鷦鷯拂其羽相犯據揚
說則駕犁乃鷦鷯小如鷦鷯三月即鳴與禮記五月
鷦始鳴豳風七月鳴鷦之義不合八說不同如此要

之當以郭說為準案爾雅謂鷦鷯之醜其飛也醜斂
足竦翅也既以鷦鷯並稱而今之苦鳥大如鷦鷯黑色
以四月鳴其鳴曰苦苦又名姑惡人多惡之俗以為
婦被其姑苦死所化頗與伯奇之說相近但不知其
能制蛇否淮南子云伯勞之血塗金人不敢取
案淮南子曰男子種蘭美而不芳繼子得食肥而不
澤情不相往來也蓋情在腹中之子故也繼病亦作
豎病豎乃小鬼之名謂兒羸瘦如豎鬼也大抵又丁
奚疴病

案羅氏爾雅翼云本草言伯勞所踏樹枝鞭小兒令
速語者以其當萬物不能鳴時而獨能鳴之故以類
求之也以上明李時珍本草綱目
爾雅曰鴟伯勞也

鴟伯勞也陳思王惡鳥論曰伯勞以五月鳴應陰氣
之動陽氣為仁義陰氣為殘賊伯勞賊害之鳥也其
聲鴟鴟故其音名云月令仲夏曰鴟始鳴是也釋鳥
云鴟鴟醜其飛也鴟言其飛不能翱翔竦翅上下而
已許慎說文以為鴟斂足也今鴟鴟醜飛亦皆斂足

腹下詩曰七月鳴鴟八月載績蓋倉庚知分鳴鴟知
至故陽氣分而倉庚鳴可蠶之候也陰氣至而鴟鳴
可績之候也舊云鴟善制蛇鳴則蛇結類從曰鴟鳴
在上蛇盤不動鴟鳴在上蝟反不行或曰金得伯勞
之血則昏鐵得鴟鷄之膏則瑩石得鴟髓則化銀得
雉糞則枯宋陸佃埤雅

鴟似鷓鴣而大一名伯趙又名伯勞通卦驗云搏勞
性好單棲其飛狡其聲嗅嗅夏至應陰而鳴冬至而
止故帝少皞以為司至之官而夏小正五月鳩則鳴

月令仲夏有鵙始鳴。豳詩則云七月鳴鵙。蓋豳地寒晚物從其氣。其鳴為將寒之候。故八月載績。常候此也。時訓云。鵙不始鳴。號令壅。偏高誘以為夏至。後應陰而殺蛇。乃磔之棘上。而始鳴。今俗云。鵙在林間鳴。蛇於其下。蟠結不動。飛去則伸其所踏枝。可鞭兒。令速語。以其當萬物不鳴時。而能鳴。故以類求之。又能療繼病。繼病者。母自娠而乳子。使子得疾。如疝。淮南鴻烈曰。男子植蘭美而不芳。繼子得食肥而不澤。情不相與往來也。蓋情在腹中之子。故於所乳之子為。

情不在來。所以病而不澤也。世傳伯奇化為鵙。豈亦母所不愛為此耶。然少皞已有曰趙氏。豈待伯奇而後有姑。廣異聞。爾宋羅願。

伯勞陰氣動則鳴。陽氣動則止。伯趙兩雅翼。

博勞明余國用。事物異名。

張華曰。爾雅謂之鵙。伯勞也。亦曰博勞。左傳謂之。

伯趙。春分鳴則衆芳生。秋分鳴則衆芳歇。方言曰。孤。

雞一名買。鷓。

應陰而鳴。月令仲夏之月。鵙始鳴。高誘注曰。五月陰氣生。干下博勞。夏至應陰而鳴。殺蛇乃磔之棘上。而。

始鳴也以五月應陰氣之動陽氣為仁義陰氣為殘賊伯勞賊害之鳥也其聲鴟鴞故以為名云其飛不能翱翔竦翅上下而已
舊云鴟善制蛇若鳴則蛇結

酉陽雜俎取其踏枝鞭小兒能令速語毛治乳兒瘡以上明陳仁錫潛確類書

鴟伯勞也以五月鳴應陰氣之動陽氣為仁義陰氣為殘賊伯勞賊害之鳥也其聲鴟鴞故以為名云其飛不能翱翔竦翅上下而已舊云鴟善制蛇鳴則蛇結或曰金得伯勞之血則昏
明王思義三才圖會

鴟古闕切音臭爾雅鴟伯勞也詩豳風七月鳴鴟月

令仲夏鴟始鳴左傳謂之伯趙陸佃曰倉庚知分鴟知至陽氣分而倉庚鳴可蠶之候也陰氣至而鴟鳴可績之候也孔穎達曰鴟夏至來冬至去應陰氣之動以聲鴟鴞得名通雅曰鴟別名伯鷦伯勞伯趙姑惡苦吻鳥也夏小正作伯鷦詩疏作博勞郭璞註爾雅云鴟似鷦鷯而大張華註禽經云伯勞似鷦鷯鴟鴞喙黃伯勞喙黑顏師古註漢書以鴟為子規方言謂鴟為鷦鷯陳正敏遜齋間覽謂鴟為梟李肇國史補謂鴟為布穀揚慎丹鉛錄謂鴟為架犂鷦鷯郭說

則似今苦鳥。智按諸說當以郭說為正。即今之苦吻鳥也。知鳩黑色。以四月鳴。其鳴曰苦苦。又名姑惡。俗以婦被姑苦死而化。東坡自註姑惡。詩曰水鳥東坡亦誤。古今諺。鄭志道諭俗編云。伯勞食母。代代相成。此則因遜齋謂鴟為梟。伯勞寃哉。伯趙即伯勞之聲。古語相近而譌。或疑詩七月鳴鴟。通雅以四月鳴何也。曰易通卦驗云。博勞夏至應陰而鳴。冬至而止。故帝少皞以為司至之官。嚴粲云。五月伯勞始鳴。應一陰之氣。至七月猶鳴。則三陰之候。寒將至。故七月

聞鴟之鳴。先時感事也。據二說。詩豳風所云。七月鳴鴟。非鴟。七月始鳴。合嚴氏五月鳴之說。觀之。其義益明。通雅與詩無矛盾也。說文作鴟。篆作鴟。重文作鴟。毛詩爾雅譌作鴟。俗讀若淩。非。清廖綸璣正字通郭璞曰。鴟似鷓鴣而大。張華曰。伯勞形似鷓鴣。鷓鴣喙黃。伯勞喙黑。本草集解曰。伯勞即鷓也。乃月令候時之鳥。月令曰。仲夏之月。鴟始鳴。詩曰。七月鳴鴟。

易通卦驗曰夏至小暑伯勞鳴博勞性好單棲其飛
猥其聲嗅嗅夏至應陰而鳴冬至而止

太戴禮曰五月鳩則鳴鳩者百鷓也鳴者相命也
周書曰鷓不始鳴令姦壅偏

左傳郊子云少皞時伯趙氏司至者也

本草釋名曰伯勞象其聲也伯趙其色阜也趙乃皂
訛

淮南子曰伯勞之血塗金人不敢取

又曰伯勞使蛇蛻蟬

呂覽注曰仲夏陰作於下陽發於上伯勞夏至後應
陰而殺蛇磔之於棘而鳴於上

類從曰鷓鳴在上蛇蟠不動

爾雅翼曰本草言伯勞所踏樹枝鞭小兒令速語

夢書曰伯勞為憂口舌聲可惡也夢見伯勞憂口舌

別傳曰東方朔與弟子偕行渴令弟子叩道邊家取

飲不知姓名主人開門不與須臾見伯勞飛集門中

李樹上朔謂弟子曰此主人姓李名伯勞但呼李伯

勞果有李伯勞應即入取飲

陳思王惡鳥論曰國人有以伯勞鳥獻諸庭者待臣
謂曰世同惡伯勞之鳴何謂也王曰昔尹吉甫信後
妻之讒而殺孝子伯奇俗傳云吉甫後悟追傷伯奇
出遊於田見異鳥鳴於桑其聲噉然吉甫心動曰無
乃伯奇乎鳥乃撫翼其聲尤切吉甫曰果吾子也乃
顧曰伯奇勞乎是吾子棲吾輿非吾子飛勿居言未
卒鳥尋聲而棲其蓋歸入門集於井幹之上向室而
號吉甫命後妻戴弩射之遂射殺後妻以謝之故俗
惡伯勞鳴言所鳴之家必有凶也好事者傳會為之

說今俗人惡之其實否也

晉載記曰苻堅之分氏戶於諸鎮也趙整因侍援琴
而歌曰阿得脂阿得脂博勞舊父是仇綏尾長翼短
不能飛

苦鳥大如鳩黑色以四月鳴其名曰苦苦又名姑惡
人多惡之俗以為婦被姑所苦死所化頗與伯奇之
說相近但不知其能制蛇否

以上淵
鑑類函

魚類
外類
魚類
魚類
魚類

念佛鳥

一名念佛子珍玩考 一名呼佛鳥四川志 一名亡

阿二佛鳥同上

俗名虎フ紫フ法ハ蕪ウ煞サ蕪ウ
州紀伊

魚類
魚類
魚類
魚類

羽屬
念佛鳥
一

呼佛鳥忽羣鳥呼阿彌陀佛形如白頭翁頂綠身褐

色聲類嬰兒余甚訝之四川總志

亡何二佛鳥如鸚鵡依袖間同上

機謹按紀伊州高野山有佛法僧鳥棲於深林幽溪中大如鳩形似鴉鳩而短頸豐頭羽毛紅褐翅間腹下紫碧紅白黃黑相間而成彩黑頂丹嘴趾亦深紅鳴聲清滑如誦佛聲故名佛法僧又曰佛法鳥此即念佛鳥也奧羽之深山中雖偶有之然其土非佛場則無人得而知之者

烏鳳

一名青鸞肇慶府志

俗名十虛十母陸奧州

鳥類
卷五

烏鳳

按范成大虞衡志云烏鳳出桂海左右兩江峒中大如喜鵲紺碧色頂毛似雄雞頭上有冠尾垂二弱骨長一尺四五寸至杪始有毛其形畧似鳳音聲清越如笙簫能度小曲合宮商又能為百鳥之音彼處亦

自難得明李時珍本草綱目

么鳳小鳥名也產于廣西世人不知故書中亦呼曰烏鳳形如喜鵲二尾毛獨長能唱小樂府如笙簫之音故曹組夜歸曲云何處荒棒挂么鳳蘇子瞻梅花

蘇物類彙編

羽屬 烏鳳

二

辭云倒挂綠毛公鳳今土人亦名倒挂鳥蜀桐花鳥似鳳而小名曰倒挂子即此

明田藝衡留青日札

機謹按公鳳一名桐花鳳又名倒挂鳥與鳥鳳不同混而為一物者誤也

桂林有鳥鳳如鶻而紺碧髮頭有冠尾垂二弱骨各長一尺四五寸其末始有毛羽大略如鳳鳴聲清越又能為百蟲之音生左右江谿洞中澤州產石英處

明朱國禎湧幢小品

桂海禽志曰鳥鳳如喜雀色紺碧頸毛類雄雞鬃頭

有冠尾垂二弱骨各長一尺四五寸其抄始有毛羽一簇冠尾絕異大畧如鳳鳴聲清越如笙簫能度小曲妙合宮商又能為百蟲之音生左右江溪峒中極難得書傳未之紀當由人罕識云

淵鑑類函

機謹按范弘本典籍便覽人字上有所字慎懋官華夷花木鳥獸珍玩考同

鳥鳳非鳳凰以其形畧似鳳土人美其名而稱之也產於桂海左右兩江峒中大若喜鶻其羽紺碧色頂毛似雄雞頭上有冠尾垂二弱骨長一尺四五寸至

抄始有毛其音聲之妙清越如笙簫能度小曲合宮
商又能為百鳥之音凡鳥飛鳴即隨其音鳴之人取
以為玩好誠足快心但彼處亦自難得耳清陳湜子
秘傳花鏡
烏鳳出德慶即青鸞也五彩雞形鳴中五音頌聲作
則至非常有之物也肇慶府志

機謹按烏鳳山鵲一類二種也山鵲本邦不產
舶客貿來本邦之澳ヲカ拿カ戛鳥此烏鳳中之一種
也或曰烏鳳者三光鳥也不然三光鳥者即鷓鴣
辨詳于本條

突厥雀

一名鷓鴣音奪一名冠雉本草
綱目

庶勿頭集卷五



突厥雀

塞北突厥雀如雀身赤從北來當有賊下邊人候之食其肉極熱補益之

唐陳藏器本草拾遺

機謹按若水云時珍曰突厥雀即爾雅鴝鳩寇雉也蓋據唐書而為言也考爾雅註鴝鳩大如鴿形如雌雉鼠脚無後指歧尾為鳥慙急羣飛出北方沙漠地與陳氏所說已不同也自是二鳥時珍牽合為一非也

案唐書云高宗時突厥犯塞有鳴鷄群飛入塞邊人

驚曰鳥一名突厥雀南飛則突厥必入寇已而果然

明李時珍本草綱目

案郭璞云鷓鴣生北方沙漠池大如鵠形似雌雉鼠脚无後趾岐尾為鳥慙急群飛張華云鷓生關西飛則雌前雄後隨其行止莊周云青鷓愛其子而忘其母同上

突厥雀生塞北狀如雀而身大高宗時突厥犯塞有鳴雀群飛入塞邊人驚曰此鳥一名突厥雀南飛則

突厥必入寇已而果然清李龍雲食物本草會纂

爾雅曰鷓鴣雉郭璞註曰鷓大如鵠鼠脚無後指出沙漠

莊子曰青鷓愛子忘親司馬彪註曰鳥屬專愛其子而忘其母也

唐書曰高宗時突厥犯塞初突厥之未叛也有鳴鷓群飛入塞相繼蔽野邊人相驚曰此鳥一名厥雀南飛突厥犯塞之候也及是春還復北飛至靈夏悉墮地而死視之則無頭矣裴行儉問於右史苗神荅曰鳥獸之祥乃應人事何也對曰人雖最靈而稟性含氣同于萬類故吉凶兆於彼禍福應於此聖王受命

龍凰為嘉瑞者和氣全也故漢高祖斬蛇而驗秦之
必亡仲尼感鱗而知已之將死夷羊在牧殷紂以滅
鸚鵡來巢魯昭出奔鼠舞端門燕刺誅死大鳥飛集
昌邑以敗是故君子處恭寅畏動必異義雖在幽獨
如也大事知神明之照臨懼患難之及已也雉升昴
耳殷宗側身修德鵬止坐隅賈生作賦以無患者德
勝祥也以上太平御覽
冠雉一名鷓鴣郭云鷓鴣大如鴿似雌雉鼠脚無後趾
岐尾為鳥驚急羣飛出北方沙漠地又謂之泆泆下

云冠雉泆泆是也

宋邢昺爾雅疏

鷓鴣質說切音拙爾雅鷓鴣冠雉註大如鴿似雌雉鼠脚
無後趾岐尾性愁急羣飛出北方沙漠地又冠雉泆
泆註即鷓鴣鳩又莊子曰青鷓愛其子而忘其母物異
考蕃雀即鷓也史唐書高宗時羣鷓飛入塞邊人驚
曰此突厥雀南飛必入寇已果狀篆作鷓長箋楷作

鷓泥

清廖綸璣正字通

機謹按尚白曰元文庚申十一月十一日奧州仙
臺城邊田畔有異禽國人所未見也放鷓捉之即

鳥類考卷五

與本草綱目所載突厥雀之形狀無少異

機曰元文庚申仙臺城邊所捉之突厥雀大如鳩形似雌雉頰鼻紫赤色背黃紫有黑斑胸淡黑橫紫斑腹下微白橫黑斑翅灰白黑斑背色淡黑足如鼠脚有三黑爪而無後趾有黑毛間青黃文長毛尾端生如細筋兩條黑色長四寸許脚與尾異于諸禽記摸寫之形狀以備後證

鷓鴣爾雅曰鷓鴣郭云鷓鴣大如鴿似雌雉鼠脚無後指歧尾為鳥愁急群飛出北方沙漠地見通昆虫畧

明慎懋官華夷花木鳥獸珍玩考

鷓鴣大如鴿褐色鼠脚無後趾性愁急群飛一名沙雞箴輔通志

燕勿須食下卷五

廣
外
類
集
卷
五

